



REGLUGERÐ UM ÍSLANDSMÓT GOLFKLÚBBA Í KARLA- OG KVENNAFLOKKI

1. kafli

1. gr.

GSÍ gengst árlega fyrir sveitakeppnum í flokkum karla og kvenna.

2. gr.

Stjórn GSÍ skal auglýsa mótin og hafa yfirumsjón með framkvæmd þeirra. Hún skal skipa menn í mótsstjórn í samráði við klúbbinn þar sem mótið fer fram a.m.k. einum mánuði fyrir mótið. Stjórn GSÍ skal skipa a.m.k. einn dómara á hvern keppnisvöll. Viðkomandi klúbbur skal leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari í 1. og 2. deild karla og kvenna skal hafa landsdómararéttindi. Framkvæmd mótsins skal vera í samræmi við lágmarkskröfur í viðauka I.

3. gr.

Stjórn GSÍ ákveður þáttökugjöld sem renna til klúbbsins þar sem mótið fer fram.

GSÍ á allan rétt gagnvart ljósvakamiðlun frá mótinu. Klúbburinn þar sem mótið fer fram skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim golfvöllum sem mótið fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við mótið og jafnframt vörumerki þeirra aðila sem eru samstarfsaðilar GSÍ að mótinu.

4. gr.

Þátttaka skal tilkynnt GSÍ fyrir 1. júní. Upphæð þáttökugjalda, gjalddagar og annað slíkt skal kynnt af mótsstjórn á golf.is.

Nöfn leikmanna skal tilkynna til mótsstjórnar í síðasta lagi kl. 9:00 daginn fyrir fyrsta leikdag. Hafi þáttökutilkynning ekki borist í tíma er mótsstjórn heimilt að gefa klúbbsi 6 tíma frest, en að honum loknum telst sveitin hafa fyrirgert keppnisrétti sínum og leikur þá í neðstu deild að ári. Mótsstjórn er heimilt að fella niður keppni í einstökum flokkum eða deildum ef þáttökulið eru færri en þrjú.

5. gr.

Almennir keppnisskilmálar og almennar staðarreglur, sem stjórn GSÍ setur, skulu gilda í mótinu. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta eða fella niður umferð eða umferðir vegna veðurs. Staðarreglur og



keppnisskilmálar skulu vera fyrir hendi þegar á fyrsta æfingadegi.

6. gr.

Hver klúbbur sem sendir leikmenn á mótið skal tilnefna liðsstjóra. Liðsstjóri skal gæta hagsmuna keppenda viðkomandi klúbbs og koma fram fyrir þeirra hönd gagnvart mótsstjórn, þó ekki umfram það sem golfreglur heimila. Liðsstjóri skal fyrir hönd viðkomandi klúbbs vera ábyrgur fyrir greiðslu þátttökugjalds.

2. Kafli

7. gr.

Sveitakeppni í 1. deild karla og kvenna skal fara fram á 18 holu keppnisvelli. Skyld er að keppnisvellir séu opnir til æfinga fyrir skráða keppendur í tvo síðustu daga fyrir mótið. Heimilt er mótsstjórn að takmarka æfingu við eina umferð á dag og skipuleggja rástíma ef með þarf.

8. gr.

Hver klúbbur má senda til keppni eina sveit í karla- og kvennaflokki. Sveitir skulu skipaðar allt að 8 leikmönnum í 1. deild í karla og kvennaflokki og 2. deild í karlaflokki þar sem 6 leika í hverri umferð og allt að 6 leikmönnum í öðrum deildum karla og kvenna þar sem 4 leika í hverri umferð.

Liðsstjóri má vera einn af leikmönnum liðsins. Liðsstjóri getur tilnefnt varamann í eigin forföllum. Sækja má um heimild til stjórnar GSÍ til að tveir eða fleiri klúbbar sendi sameiginlega sveit til keppni ef ekki reynist unnt að manna sveit til keppinnar. Verða skal við slíkri beiðni ef fyrir liggur að klúbbur geti ekki skipað sveit kyflinga sem allir hafa lægri forgjöf en hér segir:

Deild	Karlar	Konur
1.	5	10
2.	10	15
Aðrar	15	15

9. gr.

Hljóti keppandi frávísunarvíti í einhverri umferð keppinnar tekur vítið einungis til viðkomandi umferðar, nema mótsstjórn ákveði annað.

Hljóti sveit frávísun úr keppninni í heild sinni áður en riðlakeppni lýkur skulu úrslit leikja sem hún hefur leikið fyrir í riðlakeppninni falla niður og hafa þar af leiðandi ekki áhrif á úrslit mótsins. Sama gildir varðandi keppni um 5. - 8. sæti.

10. gr.

Í flokkum karla og kvenna leika 8 sveitir í öllum deildum, að undanskilinni neðstu deild þar sem fjöldi liða er að lágmarki 3 en allt að 10.

Úr hverri deild karla og kvenna falla þær sveitir sem lenda í 8. sæti. Úr neðri deildum skulu ganga upp þær sveitir sem enduðu í 1. sæti. Ef einhver sveit tilkynnir ekki þátttöku, skulu sveitir



sem fallið hafa milli deilda hafa forgang fram yfir sveitir sem lentu í öðru eða lægri sæti í deildinni fyrir neðan, þannig að 1. 2. og 3. deild karla og 1. deild kvenna verði skipaðar 8 sveitum.

Nýjar sveitir skulu leika í neðstu deildum hvors flokks. Sé fjöldi nýrra sveita það mikill að stofna þurfi nýja deild skal dregið um það hvernig sveitir raðast milli deilda og hvernig röð þeirra skuli vera innan deilda.

11. gr.

Í öllum deildum karla og kvenna, að undanskilinni neðstu deild í hvorum flokki, skal leika holukeppni þar sem liðunum er skipt í tvo riðla, A og B. Úrslit fyrra árs ræður röð sveita þannig að í A riðli keppa þau lið sem voru í sætum 1, 4, 5 og 8 og í B riðli keppa þau lið sem voru í sætum 2, 3, 6 og 7.

Í neðstu deild karla og kvenna skal skipta liðunum með eftirfarandi hætti þar sem úrslit fyrra árs ræður röð sveita:

- Ef 11 lið eða fleiri eru skráð til þátttöku skal stofnuð ný deild. Lið í sætum 2-8 í neðstu deild frá fyrra ári leika þá í nýrri næst neðstu deild ásamt neðsta liði í næstu deild fyrir ofan. Önnur lið í nýrri neðstu deild.
- Ef 9 eða 10 lið eru skráð til þátttöku skal leikinn 2 x 18 holu höggleikur. Þrjú bestu skor gilda í hvorri umferð. Ef lið eru jöfn eftir höggleikinn ræður 4. skor í báðum umferðum röð liðanna. Ef lið eru enn jöfn ræður besta skor í síðari umferðinni. Ef lið eru enn jöfn ræður besta skor í annarri hvorri umferðinni. Ef lið eru enn jöfn ræður hlutkesti röð. Að loknum höggleiknum leika fjögur efstu liðin holukeppni í undanúrslitum, þar sem 1. sæti leikur við 4. sæti og 2. sæti við 3. sæti. Leikinn er einn fjórmeningur og tveir tvímenningar. Sigurvegarar í undanúrslitum leika til úrslita með sama fyrirkomulagi og lið sem tapa í undanúrslitum leika um 3. sæti með sama fyrirkomulagi.
- Ef 8 lið eru skráð til þátttöku er liðunum skipt með hefðbundnum hætti, tveir riðlar A og B.
- Ef 7 lið eru skráð til þátttöku er liðunum skipt í tvo riðla A og B þar sem 1, 4 og 5 keppa í A riðli og 2, 3, 6 og 7 í B riðli. Yfirseta verður í A riðli.
- Ef 6 lið eða færri eru skráð til þátttöku, leika allir við alla í einum riðli.

12. gr.

Í hverri viðureign skal leika eftirtalda leiki og í þessari röð:

- 1. deild karla: Tvo fjórmeninga og þrjú tvímenninga
- 1. deild kvenna: Einn fjórmening og fjóra tvímenninga
- 2. deild karla: Einn fjórmening og fjóra tvímenninga sé leikið á 18 holu velli, annars einn fjórmening og þrjú tvímenninga.
- Aðrar deildir: Einn fjórmening og tvo tvímenninga.

Hver leikur gefur eitt stig. Ef leikir í riðlakeppni eða leikir um 5. - 8. sæti eru jafnir eftir 18 holur skal leik hætt og hvort lið fær hálf stig. Sama gildir ef sex lið eða færri eru skráð til þátttöku og



allir leika við alla. Í útsláttarkeppni (keppni um 1. - 4. sæti) skal leika alla leiki til úrslita nema ef röð sveitanna er orðin ljós, þá teljast jafnir leikir eftir 18 holur helmingaðir.

Úrslit ráðast af fjölda þeirra stiga sem sveitir hljóta í keppninni. Sú sveit vinnur sem hlýtur flest stig. Verði sveitir jafnar að stigum ræður fjöldi unninna fjór- og tvímenninga röð. Ef enn er jafnt ræður innbyrðis leikur. Ef ekki fást úrslit eins og að framan greinir skal leika bráðabana um röð. Hver sveit teflir fram einu fjórmenningsliði.

13. gr.

Liðsstjóri skal tilkynna liðsskipan skriflega til mótisstjórnar eigi síðar en kl. 20:00 daginn fyrir 1. umferð. Í síðari umferðum skal tilkynningin hafa borist mótisstjórn innan 30 mín. eftir að leik viðkomandi sveitar lauk í umferðinni á undan.

Eftir að ráslisti með nöfnum leikmanna hefur verið birtur má ekki breyta liðsskipan.

14. gr.

Í 4 sveita riðlum skulu sveitir leika þannig saman:

1. umf.	2. umf.	3. umf.
2-3	2-4	3-4
1-4	1-3	1-2

Í 3 sveita riðlum skulu sveitir leika þannig saman:

1. umf.	2. umf.	3. umf.
2-3	2-situr yfir	3-situr yfir
1-situr yfir	1-3	1-2

Í 4. og 5. umferð leika tvö efstu lið hvors riðils um sæti 1-4 þannig:

4. umferð.	2. sæti A – 1. sæti B
	1. sæti A – 2. sæti B

5. umferð. Lið sem tapa í 4. umferð keppa um 3. sæti, en þau sem sigra keppa um 1. sæti.

Þau lið sem lenda í 3. og 4. sæti hvors riðils keppa um sæti 5-8 þannig:

1. Úrslit leiks liða úr riðlakeppninni standa.
2. 4. umferð. 4. sæti A – 3. sæti B
3. sæti A – 4. sæti B
3. 5. umferð. 4. sæti B – 4. sæti A
3. sæti B – 3. sæti A

Í 3 sveita riðlum fellur út ein umferð um neðri sætin.

Röðun sveitanna ræðst af röðunarreglunni í 12. gr.



Mótsstjórn ákveður leikröð í hverri umferð.

15. gr.

Sigurvegarar í efstu deild hvers flokks hljóta titilinn Íslandsmeistari viðkomandi flokks. Sigursveitir öðlast rétt til þátttöku fyrir Íslands hönd í sambærilegum mótum erlendis. Tilkynna þarf GSÍ innan 10 daga frá mótslokum, hvort sveitin nýtir sér réttinn til þátttöku erlendis. Ef hún gerir það ekki færir rétturinn til þeirrar sveitar sem hafnar í öðru sæti.

16. gr.

Að öðru leyti gilda Móta- og keppendareglur GSÍ.

Þannig samþykkt af stjórn GSÍ 12. apríl 2021.



VIÐAUKI I

Kröfur um framkvæmd og umgjörð

Eftirfarandi lágmarkskröfur eru gerðar til mótsstjórnar um framkvæmd og umgjörð mótsins.

1. Fánar

Á mótsstað skal flagga a.m.k. íslenska fánanum, fána klúbbsins þar sem mótið fer fram og fána GSÍ. Auk þess skal flagga fánum þáttökuklúbba, ef slíkir fánar eru tiltækir.

2. Ræsing

Fulltrúi mótsstjórnar skal sjá um ræsingu allra ráshópa. Ræsir skal m.a. tryggja að réttir leikmenn séu ræstir út í hverjum leik, í samræmi við áður tilkynnta liðsskipan.